



Broj:10-05-18801/16
Sarajevo,15.06.2016 godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na poslaničko pitanje

Zastupnica Segmedina Srna Bajramović je na 16. Radnoj sjednici Skupštine Kantona Sarajevo, održanoj 01.06.2016. godine, u okviru tačke Dnevnog reda „Zastupnička pitanja, inicijative i odgovori“, u skladu sa Poslovníkom Skupštine Kantona Sarajevo, postavila zastupničko pitanje:

„Kada možemo očekivati poduzimanje urgentnih mjera od strane Vlade KS, Ministarstva zdravstva KS, Zavoda zdravstvenog osiguranja KS, zdravstvenih ustanova u KS, odnosno izdavanje pismenih naredbi od strane nadležnih organa u KS, a u cilju sređivanja situacije u pogledu zbrinjavanja bolesnika na primarnom,sekundarnom i tercijarnom nivou zdravstvene zaštite u KS, odnosno uspostavu adekvatne organizacije zbrinjavanja redovnih urgentnih bolesnika u KS?“

U vezi sa postavljenim zastupničkim pitanjem dostavljamo slijedeći:

ODGOVOR

Zbrinjavanje bolesnika na primarnom, sekundarnom i tercijarnom nivou zdravstvene zaštite u KS se vrši u skladu sa nadležnošćima svake zdravstvene ustanove na način kao i u svim prethodnim godinama, osim po pitanju urgentnih prijema.

U dosadašnjem periodu urgentni prijem se vršio isključivo u KCUS-u i to za sve bolesnike bez obzira na vrstu oboljenja ili povrede i pored činjenice da Opća bolnica ima u svom sastavu urgentni centar i kadrovski je osposobljena za urgentni prijem, sa osam ljekara specijalista urgentne medicine. Opća bolnica je vršila prijem samo bolesnika koji su opredjeljeni za hospitalni tretman u toj bolnici.

S obzirom na činjenicu da je Urgentni centar u KCUS-u opterećen kadrovski i troškovno velikim brojem bolesnika koji se u toku 24 sata obrade (u prosjeku 300, a u danima vikenda i po 500 pacijenata dnevno), a da istovremeno Opća bolnica ima nedovoljnu iskorištenost kapaciteta, sa predstavnicima ovih ustanova dogovoreno je da se teret u zbrinjavanju pacijenata ravnomjerno rasporedi na zdravstvene ustanove u okviru njihove registrirane djelatnosti, te je u skladu sa tim dogovoreno da Opća bolnica preuzme obavezu urgentnog zbrinjavanja pacijenata dva dana u sedmici.



Napominjemo da je u 2015. godini iskorištenost kapaciteta u Općoj bolnici iznosila 46%.

Ovakav način zbrinjavanja urgentnih stanja u Općoj bolnici podrazumijeva pregled i nužnu dijagnostiku, a svi pacijenti sa stanjima i oboljenjima nivoa tercijarne zdravstvene zaštite se automatski upućuju na tretman i bolničko liječenje u KCUS.

Zbrinjavanje urgentnih stanja je dogovoreno probno od dva mjeseca kako bi se mogle sagledati sve prednosti ili eventualni nedostaci takve organizacije, nakon čega bi se konačno i u pisanoj formi sačinio protokol o zbrinjavanju urgentnih stanja između svih zdravstvenih ustanova koje su nadležne za isto (JU Zavod za hitnu medicinsku pomoć, Opća bolnica i KCUS) i uz prethodno definiranje uloge i rada ambulanti u Domu zdravlja.

Obzirom da je u toku izrada Plana reorganizacije djelatnosti zdravstvenih ustanova u KS kojim će se jasno definirati nadležnosti zdravstvenih ustanova, odnosno uskladiti djelatnost svake zdravstvene ustanove sa Zakonom o zdravstvenoj zaštiti, nije bilo potrebe za izradom posebnog akta niti naredbe za rješavanjem samo pitanja urgentnog zbrinjavanja kao jednog u nizu brojnih neriješenih problema u zdravstvu KS koji su se godinama gomilali, a nisu na adekvatan način rješavani niti su bili predmet pažnje nadležnih institucija, pa ni javnosti.

Izrada Plana reorganizacije djelatnosti zdravstvenih ustanova će se okončati do kraja juna 2016. godine i isti će se uputiti Skupštini KS na razmatranje i usvajanje. Ovim Planom će se definitivno riješiti i pitanje zbrinjavanja urgentnih stanja.

S poštovanjem,

